

KLUB ZASTUPNIKA SDA U SKUPŠTINI KANTONA SARAJEVO

Datum: 28.03.2013.
SARAJEVO

Odbor za javna priznanja Kantona Sarajevo
(na ruke sekretara Odbora)
gosp. Abid Kolašinac

Predmet: Dostava prijedloga za dodjelu javnog priznanja
„PLAKETA KANTONA SARAJEVO“ - KOLEKTIVNA

Poštovani,

U skladu sa javnim pozivom za dodjelu javnog priznanja Kantona Sarajevo za 2012. godinu dostavljamo Vam prijedlog za dodjelu **„PLAKETA KANTONA SARAJEVO“ – KOLEKTIVNA**, te u skladu s tim kandidujemo **SDI „SPID“ (sportsko društvo invalida) Sarajevo**.

Smatramo da je ovaj sportski kolektiv, koji egzistira od ratne 1994. godine, dostojan jedne ovakve nagrade i priznanja jer je svoj angažman dokazao i u najtežim istorijskim trenucima.

SDI „SPID“ je dugi niz godina ostvarivao zapažene rezultate, kako na domaćem, tako i na evropskom i svjetskom nivou, te je u istinskom sportskom duhu vratio nadu za normalan život mnogih mladih ljudi koji su se nesebično stavili na raspolaganje svojoj jedinoj domovini Bosni i Hercegovini.

Ova činjenica, kao i ostvareni rezultati na mnogim takmičenjima, **SDI „SPID“** svrstavaju u red najuspješnijih sportskih kolektiva u BiH.

Sve navedeno daje nam za pravo, ali i predstavlja obavezu, da ovo sportsko udruženje invalida nagradimo jednim ovakvim društvenim priznanjem.

U prilogu Vam dostavljamo kratki historijat **SDI „SPID“**.

Predsjednik Kluba SDA u SKS

Elmedin Konaković



SDI "SPID" SARAJEVO

KRATKA HISTORIJA

SDI "SPID" SARAJEVO je registrovano 1994. godine kao prvo invalidsko sportsko društvo na području naše zemlje. U vrijeme osnivanja društva većina naših sportista nakon ranjavanja bila je psihički izgubljena, bez cilja i nade u budući život. Država koja je još bila u ratu, nije imala vremena ni snage da posveti pažnju velikom broju invalida, mladih osoba ranjenih pripadnika Oružanih Snaga Bosne i Hercegovine, i da ih na adekvatan način vrati u normalan život.

U to vrijeme "SPID" je jedini mogao pružiti invalidima rehabilitaciju i resocijalizaciju kroz sportske aktivnosti. Rezultat je bio veliki broj invalidnih lica uključenih u sportske aktivnosti sa tendencijom širenja na slična društva i klubove na regije tadašnje slobodne teritorije, a u isto vrijeme uključivanje u evropeke tokove i takmičenja. Tako, već iste 1994. godine na kvalifikacijama za evropsko prvenstvo u sjedećoj odbojci ekipa "SPID" je predstavljala Bosnu i Hercegovinu. U narednom periodu "SPID" okuplja invalidna lica i pravi selekciju sportista razvrstanih u razne sportske sekcije, pa danas pod imenom "SPID" nastupaju sportisti u većini sportova prilagođenih invalidskim osobama, postižući zapažene rezultate u svijetu i kod nas. Atletičari, strijelci, stonoteniseri, fudbaleri, skijaši osvajaju titule prvaka naše zemlje. Najuspješnija i najtrofejnija ekipa Bosne i Hercegovine je klub sjedeće odbojke "SPID" koji u veoma kratkom vremenskom periodu postaje jedna od najjačih ekipa svijeta i bilježi rezultate koji su neshvatljivi domaćim i stranim sportskim stručnjacima. Naime pored domaćih takmičenja gdje je ekipa "SPID" dominantna i do danas je osvojila trinaest titula prvaka Bosne i Hercegovine u sjedećoj odbojci na međunarodnoj sceni, po rang listi "WOVD" (Svjetska asocijacija sjedeće odbojke) zauzima vodeće mjesto u ukupnom poretku. Za to su zaslužne odlične igre naših odbojkaša koje od trinaest učešća na EURO KUP-u osvajaju sedam zlatnih, pet srebrenih i jednu bronzanu medalju, a na dosadašnja dva odigrana SVJETSKE KLUPSKA PRVENSTVA zauzimaju drugo mjesto.

Pored klupskih takmičenja odbojkaši "SPID"-a su okosnica naših reprezentacija u sjedećoj odbojci pa tako osvajaju zlatne medalje na svim

svjetskim takmičenjima. Važno je napomenuti da je juniorska reprezentacija na zadnjem Evropskom Juniorskom Prvenstvu osvojila sjajno drugo mjesto. SPID je dobitnik mnogih priznanja i nagrada na proglašenju za sportske kolektive i pojedince. Najvrijednija priznanja "SPID"-a su plaketa sa "ZLATNIM LJILJANOM" i "ŠESTOAPRILSKA NAGRADA" grada Sarajeva.

PRVENSTVO BOSNE I HERCEGOVINE

1994 – PRVACI

1995 – PRVACI

1997 – PRVACI

1998 – PRVACI

1999 – PRVACI

2000 – PRVACI

2001 – PRVACI

2002 – VICEPRVACI

2003 – PRVACI

2004 – PRVACI

2005 – PRVACI

2006 – VICEPRVACI

2007 – PRVACI

2008 – VICEPRVACI

2009 – VICEPRVACI

2010 – PRVACI

2011 - PRVACI

KUP BOSNE I HERCEGOVINE (odigran tri puta do danas)

1999 – PRVACI

2000 – PRVACI

EURO CUP – LIGA ŠAMPIONA


1998 – VICEPRVACI
1999 – VICEPRVACI
2000 – PRVACI
2001 – PRVACI
2002 – PRVACI
2003 – PRVACI
2004 – VICEPRVACI
2005 – PRVACI
2006 – PRVACI
2007 – VICEPRVACI
2008 – TREĆE MJESTO
2010 - PRVACI

SVJETSKO KLUBSKO PRVENSTVO

2003 – VICEPRVACI
2005 – VICEPRVACI

**KLUB ZASTUPNIKA SDP BIH
U SKUPŠTINI KANTONA SARAJEVO**

Sarajevo, 29.03.2013.



KANTON SARAJEVO
Odbor za javna priznanja Kantona Sarajevo
n/r Sekretaru Odbora, g. Abid Kolašinac

Poštovani,

Klub zastupnika SDP-a BiH u Skupštini Kantona Sarajevo podnosi inicijativu za dodjelu javnih priznanja Kantona Sarajevo kako slijedi:

INICIJATIVA

Za dodjelu javnog priznanja **Počasni građanin Kantona Sarajevo** prof. Alberto Quattrucci.

Obrazloženje:

Profesor Alberto Quattrucci, kao generalni tajnik IMRP – Zajednice Saint Egidio iz Italije, bio je pokretač i glavni organizator održavanja Svjetskog susreta za mir u Sarajevu, od 9. do 11. septembra 2012. godine, kojem je prisustvovalo stotinjak vjerskih poglavara svih konfesija, te uglednici iz svijeta kulture i politike iz više od 60 zemalja.

Povijesni značaj ovih susreta nije samo u činjenici da su se, nakon više decenija i prvi put poslije ratnih događanja u Bosni i Hercegovini, u direktnom dijalogu našli predstavnici

vjerskih zajednica i političkih opcija koje djeluju u našoj zemlji, već i u tome što je Sarajevo tih dana bilo simbol evropskog i svjetskog grada mira, suživota i tolerancije, svega onoga što je sadašnjem svijetu, na svim meridijanima, itekako potrebno i što Zajednica Saint Egidio promovira već punih 25 godina.

Polazeći od maksime da je dijalog vrlo važna sastavnica svakodnevnog življenja i da je samo zajednički život budućnost čovječanstva, profesor Quattrucci je, djelujući kao čelni čovjek Zajednice Saint Egidio, apostrofirao Sarajevo jer je upravo naš grad, sa vjekovnim multinacionalnim, multikonfesionalnim i multikulturalnim bićem, bez obzira na sve turbulencije i međusobna sukobljavanja, ipak opstajao i postoji zahvaljujući upravo činjenici o neminovnosti suživota i međusobnog dogovaranja.

Zato je, cijeneći primjer Sarajeva, profesor Quattrucci izjavio „da je živjeti zajedno svrha svega, kako u Sarajevu, tako i u Bosni i Hercegovini, te u Europi i ostatku svijeta“.

Zajednica Saint Egidio i profesor Alberto Quattrucci su, nakon Susreta za mir održanog u Sarajevu, zagovornici nekoliko projekata, prevashodno kulturnog sadržaja, koji treba da doprinesu praksi njegovanja zajedničkog života i otvore šire perspektive Sarajeva i Bosne i Hercegovine u međunarodnim razmjerama.

Iz biografije:

Alberto Quattrucci rođen je 1952. godine u Rimu. Studirao je pedagogiju na Fakultetu za obrazovanje i teologiju pri Papinskom sveučilištu Gregoriana u Rimu, a obrazovanje je nastavio izučavajući povijest religija i međureligijskog dijaloga. Od 1969. godine je član Zajednice Saint Egidio, koja od 1986. djeluje kao međunarodna laička udruga Katoličke crkve, odnosno Papinskog vijeća za laike. Od 1988. godine profesor Quattrucci je generalni sekretar Zajednice.

INICIJATIVA

Za dodjelu **Plakete Kantona Sarajevo** književnici Ljubici Ostojić.

Obrazloženje:

Ljubica Ostojić, književnica i profesorica na Fakultetu dramskih umjetnosti u Sarajevu, jedna je od najistaknutijih članica i književne scene i akademske zajednice u Kantonu Sarajevo i državi Bosni i Hercegovini. Objavila je više od dvadeset knjiga poezije, proze, knjiga za djecu, eseja, a njena uloga dramaturga mnogim je teatarskim predstavama u sarajevskim pozorištima dala osobitu umjetničkokreativnu izražajnost i stvaralački kvalitet.

Prošle je godine objavila jedno od najznačajnijih književnih ostvarenja (*Anđeli u snijegu*, Sarajevo, 2012.), kojim je na izvjestan način portretirano i Sarajevo i društveni kontekst u kojemu svi mi živimo.

Književnica i profesorica Ljubica Ostojić živi dosta skromnim i samozatajnim životom. Prvenstveno sudjeluje u kulturnom i akademskom životu Sarajeva i, koliko nam je poznato, nije članica ni jedne političke stranke. Činjenicom da je rat provela u Sarajevu i da je, uz značajna književna ostvarenja, dosta njenih tekstova ispisano s humanističkom patriotskom energijom dovoljno govori da Ljubica Ostojić, i kao kulturna i javna radnica i kao čovjek u najplemenitijem smislu te riječi, zaslužuje da bude dobitnica Plakete Kantona Sarajevo.

S poštovanjem;



PREDSJEDNIK KLUBA
Nedžad Fazlija

BOSNA I HERCEGOVINA
Federacija Bosne i Hercegovine
KANTON SARAJEVO



SINDIKAT POLICIJE
KANTONA SARAJEVO

Adresa : Labenevolencije broj 16
71000 Sarajevo, BiH

Tel.-Fax

Mobitel (00387) 061/ 192-041
061/ 107-418

E-mail SPKS: : sindikatspolicijski@gmail.com

WEB: : <http://www.sindikatspolicijski.co.ba/>

Žiro-račun

UniCredit Bank : 3389002206056557

I. D. : 4200318910000

Broj : SPKS-167 /13

Datum : 26.03.2013.godine

Bosna i Hercegovina
Federacija Bosne i Hercegovine
KANTON SARAJEVO

PRIMLJENO:	26-03-2013	Broj priloga
Organizaciona jedinica	Klasifikacija	
01	05	4025

SKUPŠTINA KANTONA SARAJEVO

Odbor za javna priznanja Kantona Sarajevo

(n/r sekretara g-dina Kolašinac Abida)

ul. Reisa Dž.Čauševića broj 1/1, Sarajevo

PREDMET: Inicijativa za dodjelu PLAKETE KANTONA SARAJEVO policijskom službeniku Pivodić Muhidinu - posthumno, **d o s t a v l j a s e, -**

Shodno Javnom pozivu za dodjelu javnog priznanja Kantona Sarajevo za 2012.godinu Odbora za javna priznanja Kantona Sarajevo broj: 01-05-5415/13 od 11.03.2013.godine, ovim putem dostavljamo inicijativu za dodjelu PLAKETE KANTONA SARAJEVO policijskom službeniku Ministarstva unutrašnjih poslova Kantona Sarajevo Pivodić Muhidinu – posthumno.

O B R A Z L O Ž E N J E

Policijski službenik u činu „policajac“, PIVODIĆ MUHIDIN, sin Omera i majke Emine, rođen 27.01.1977. godine u Sarajevu, općina Centar, državljanin BiH, oženjen otac jednog djeteta (sin) nakon završene Srednje policijske škole, radni odnos zasnovao je u Federalnom ministarstvu unutrašnjih poslova dana 16.04.1998.godine, dok je radni odnos u Ministarstvu unutrašnjih poslova Kantona Sarajevo zasnovao sa danom 07.09.1998. godine.

Za vrijeme provedeno u Trećoj policijskoj upravi, policijskoj stanici Novi Grad Sarajevo, imenovani policijski službenik, sve postavljene poslove i zadatke obavljao je krajnje profesionalno, ažurno i kvalitetno, poštujući pri tome prioritete, prethodno usaglašene sa neposrednim rukovodiocima. Pokazao je visok stepen pravičnosti, nepristrasnosti i dostojanstveno postupanje prema pripadnicima zajednice, sa izrazitim osjećajem za starije, nemoćne te djecu.

Također, Pokazao je visok stepen ličnog i profesionalnog usavršavanja, te sposobnost da široj radnoj sredini prenosi svoja saznanja i vještine. Zbog ovakvog odnosa prema postavljenim poslovima i zadacima, za svoj rad i rezultate rada, u protekle tri godine ocijenjen je najvećim ocjenama u Ministarstvu unutrašnjih poslova Kantona Sarajevo.

U vremenskom periodu dok se nalazio u sastavu IV Voda Jedinice policije za sprečavanje narušavanja javnog reda i mira u većem obimu MUP-a Kantona Sarajevo, koji su sačinjavali policijski službenici navedene Policijske uprave, aktivno je učestvovao na osiguranju javnih skupova, sportskih i drugih manifestacija, kako na području Treće policijske uprave tako i na području drugih organizacionih jedinica MUP-a Kantona Sarajevo.

Kao pripadnik navedenog voda, zajedno sa ostalim policijskim službenicima aktivno je učestvovao na rasvjetljavanju i drugih složenijih događaja na području ove Policijske uprave.

Određeni vremenski period, a tačnije od 19.04.2010. godine do 23.01.2012. godine, policijski službenik Pivodić Muhidin, proveo je u otkomandi Odjeljenja kriminalističke policije Treće policijske uprave, gdje je značajan doprinos dao pronalaženju, lišavanju slobode i privođenju lica osumnjičenih za činjenje krivičnih djela neovlaštene proizvodnje i stavljanja u promet opojnih droga.

Za izvanredne rezultate rada u Odjeljenju kriminalističke policije, tokom mjeseca Novembra 2011. godine predložen je i nagrađen, uvećanjem ličnog dohotka za 20%.

Dana 31.12.2012.godine oko 06,20 sati dežurna služba Treće policijske uprave obavještena je da je u ulici Reljevska do broja 151, općina Novi Grad Sarajevo, došlo do upotrebe vatrenog oružja, kojom prilikom je policijski službenik Policijske stanice Novi Grad Sarajevo, Pivodić Muhidin, koji se nalazio u osiguranju vjerskog objekta- pravoslavne crkve „Sveti Nikolaj“ zadobio povrede. Izlaskom na lice mjesta u službenom motornom vozilu marke „Škoda Fabia“, reg .broja 923 T 656, zatečeno je beživotno tijelo policijskog službenika Pivodić Muhidina.

Shodno naprijed navedenom, te uvažavajući činjenicu da je imenovani policijski službenik dao najvrijednije što je imao - život za državu i grad Sarajevo, smatramo potpuno opravdanim da naslovljeni Odbor dodijeli PLAKETU KANTONA SARAJEVO – posthumno rhm. Pivodić Muhidinu.

U očekivanju da ćete povodom ove inicijative pokazati visok stepen senzibilnosti i osjećanja, ostajte s poštovanjem.


P R E D S J E D N I K
Nedžib Dozo